



Broj: 01/1-30-65-2/22

Objavljen: 15.04.2022. godine

Datum: 15.04.2022. godine

Na osnovu Zakona o posredovanju u zapošljavanju i socijalnoj sigurnosti nezaposlenih osoba („Službene novine Federacije BiH“, br. 55/00, 41/01, 22/05 i 9/08), Zakonom o radu FBiH („Sl. novine FBiH“ 26/16 i 89/18) član. 34, Pravilnika o mjerama za podsticaj zapošljavanja broj: 01/6-04-38-3/21 od 25.02.2021. godine Odluke Upravnog odbora JU “Službe za zapošljavanje BPK Goražde” broj: 01/6-30-63-1/22 od 04.04.2022. godine i Odluke Vlade BPK Goražde broj: 03-11-595/22 od 08.04.2022 godine, JU “Služba za zapošljavanje BPK Goražde”

r a s p i s u j e:

J A V N I P O Z I V
poslodavcima i nezaposlenim osobama za učesće u
Programu stručnog osposobljavanja 2022. godine

I

Pozivaju se poslodavci sa područja BPK Goražde koji su zainteresovani da uz finansijsku podršku JU „Službe za zapošljavanje BPK Goražde“ (u daljem tekstu: Služba) prime na stručno osposobljavanje nezaposlene osobe VSS koje se nalaze na evidenciji Službe, da apliciraju na Javni poziv.

Također se **pozivaju nezaposlene osobe VSS** koje se nalaze na evidenciji Službe, a koje nemaju radno iskustvo da samoinicijativno pronađu poslodavca, preuzimanjem „Vaučera za stručno osposobljavanje” kako bi poslodavci aplicirali za njih i pružili im priliku za sticanje prvog radnog iskustva.

II

Cilj Programa je da se pruži mogućnost stručnog osposobljavanja nezaposlenim osobama koje se nalaze na evidenciji Službe sa VSS stručnom spremom bez radnog iskustva, za samostalan rad u struci, kako bi stekli uslov za polaganje stručnih ispita, te isti postali konkurentniji na tržištu rada.

III

Za realizaciju Programa planirana su novčana sredstva u iznosu od **228.000,00 KM** i to:

- 100.000,00 KM od Vlade Bosansko podrinjskog kantona Goražda,
- 48.000,00 KM od Federalnog zavoda za zapošljavanje i
- 80.000,00 KM od Službe.

Programom je planirano finansiranje stručnog osposobljavanja za osobe iz ciljne grupe:

- topli obrok u iznosu od 10,00 KM po danu,
- 30,00 KM mjesečno namijenjeno za osiguranje za slučaj povrede na radu i profesionalnog oboljenja (u skladu sa propisima o penzijskom i invalidskom osiguranju).
- troškove prevoza, pod uslovom da nezaposlena osoba stanuje na udaljenosti većoj od tri (3) kilometra od mjesta gdje obavlja stručno osposobljavanje, u visini mjesečne karte gradskog saobraćaja (poslodavac donosi Rješenje).

IV

Korisnici Programa su svi pravni subjekti koji imaju registrovanu djelatnost na području BPK Goražde, a koji redovno izmiruju obaveze po osnovu poreza i doprinosa, te poslodavci koji imaju sa Poreznom upravom Federacije BiH potpisan Sporazum o odgođenom plaćanju duga po osnovu javnih prihoda.

Korisnici Programa su i nezaposlene osobe prijavljene na evidenciji Službe:

- Visoke stručne spreme (VSS) - podrazumjevaju se i osobe koje su završile prvi i drugi ciklus studija po bolonjskom procesu, a koje nisu učestvovala u programima aktivne politike zapošljavanja radi sticanja prvog radnog iskustva (Vlade BPK Goražde, Općina u sastavu kantona, Federalnog zavoda za zapošljavanje i Službe),
- bez radnog iskustva u trajanju od 12 mjeseci,
- čije je sufinansiranje radi sticanja radnog iskustva u struci.

V

Zainteresovani poslodavci se prijavljuju na Javni poziv popunjavanjem prijave (aplikativnog formulara), koji je dostupan na internet stranici Službe: www.szzbpk.ba ili se može preuzeti u prostorijama Službe.

Zainteresovane nezaposlene osobe, preuzimanjem „Vaučera za stručno osposobljavanje“ koji je također dostupan na stranici Službe : www.szzbpk.ba i u Službi, samoinicijativno pronalaze poslodavca, koji će im pružiti priliku stručnog osposobljavanja, prijavom na Javni poziv.

Uz prijavu na Javni poziv poslodavci dostavljaju:

- kopiju rješenja za obavljanje djelatnosti,
- kopiju identifikacijskog broja,
- broj računa u poslovnoj banci na koji će se sredstva doznačiti,
- Uvjerenje o izmirenim obavezama po osnovu poreza i doprinosa, original ili ovjerenu kopiju ne stariju od tri (3) mjeseca, odnosno Sporazum o odgođenom plaćanju duga po osnovu javnih prihoda potpisan sa Poreznom upravom Federacije BiH,
- Vaučer za osposobljavanje osobe koja se nalazi na evidenciji.

Javne ustanove, organi i druge institucije koje posluju preko trezora uz prijavu dostavljaju :

- broj žiro računa i dokaz da trezorski posluju,
- Vaučer za osposobljavanje osobe koja se nalazi na evidenciji.

VI

Kriterijima za vrednovanje prispjelih prijava bodovat će se:

- dužina čekanja na evidenciji nezaposlenih,
- broj osoba koje poslodavac uzima na stručno osposobljavanje,
- učesće u savjetodavnom procesu nezaposlene osobe (da je nezaposlena osoba počela sa savjetovanjem: individualni plan zapošljavanja) dan prije podnošenja zahtjeva poslodavca.

Kod jednakog broja bodova prednost ima osoba koja je duže na evidenciji nezaposlenih.

VII

Na osnovu Odluke Upravnog odbora Službe o odobravanju Liste korisnika sredstava, Služba će sa podnosiocim zahtjeva zaključiti ugovor u kojem će biti definisani svi bitni elemente Programa, kojim se uređuju međusobna prava, obaveze i odgovornosti.

Služba će pripremiti tri (3) primjerka ugovora o sufinansiranju stručnog osposobljavanja, koje dostavlja poslodavcu na potpis uz propratni akt u kojem se traži da u roku od 30 (trideset) dana u Službu dostavi potpisane i ovjerene Ugovore o sufinansiranju sa slijedećom dokumentacijom:

- ugovor o stručnom osposobljavanju bez zasnivanja radnog odnosa sa nezaposlenom osobom, na period od 12 mjeseci ili period koji je nezaposlenoj osobi potreban da bi stekla prvo radno iskustvo, a koji ne može biti duži od 12 mjeseci. Ugovor o stručnom osposobljavanju između poslodavca i nezaposlene osobe ne može biti sklopljen prije Ugovora sa Službom,
- obrazac prijave nezaposlene osobe na osiguranje u slučaju povrede na radu ili profesionalne bolesti putem Porezne uprave Federacije BiH (Obrazac JS 3120).
- Odluku/Sporazum o mentorstvu za osobu koju želi primiti na osposobljavanje (mentor treba da bude osoba odgovarajuće stručne spreme i zanimanja).

Ukoliko poslodavac u ostavljenom roku, izuzev u opravdanim situacijama, ne dostavi potpunu i validnu dokumentaciju, smatrat će se da je odustao od učešća u Programu i u postupak se uzima prvi sljedeći poslodavac sa rang liste, odnosno sljedeći poslodavac prema datumu prijave koji ispunjava uslove Programa.

Nezaposlena osoba će potpisati ugovor o stručnom osposobljavanju sa poslodavcem.

Nakon utvrđivanja potpunosti i validnosti dokumentacije, Služba potpisuje i ovjerava sve primjerke ugovora, te zadržava dva primjerka, a jedan prosljeđuje poslodavcu.

VIII

Nakon zaključivanja ugovora, kao uslov za isplatu sredstava, poslodavac je dužan mjesečno dostavljati u Službu slijedeću dokumentaciju:

- dokaze o isplati toplog obroka,
- dokaz o uplati obaveznog osiguranja u slučaju povrede na radu i profesionalne bolesti,
- dokaz o isplati troškova prevoza, ukoliko lice ostvaruje to pravo.

Za gore navedeno, kao dokaz o isplati dostavljaju se uplatnice, odnosno kopije izvoda banke iz kojih je vidljiva isplata toplog obroka, osiguranja u slučaju povrede na radu i profesionalne bolesti, te troškova prevoza ukoliko lice ostvaruje to pravo.

Nakon što poslodavac u Službu dostavi gore navedenu dokumentaciju, Služba mu refundira iznos sredstava za protekli mjesec, koji obuhvata topli obrok za nezaposlenu osobu, osiguranje u slučaju povrede na radu i profesionalnog oboljenja, te troškove prevoza ukoliko lice ostvaruje to pravo.

Ugovorom o sufinansiranju stručnog osposobljavanja koji potpisuje poslodavac i Služba bit će regulisana sva prava i obaveze.

IX

Obrazac prijave (aplikativni formular) i obrazac „Vaučer za stručno osposobljavanje“ su dostupni na internet stranici Službe: www.szzbpk.ba ili se mogu preuzeti u prostorijama Službe u ulici Maršala Tita 13. u Goraždu.

Javni poziv se zatvara protekom petnaest (15) dana od dana objave ili u slučaju nedovoljnog odziva, utroškom Programom planiranih sredstava, a najdalje do 30.11.2022. godine.

Poslodavci podnose prijavu sa potrebnom dokumentacijom lično ili preporučeno putem pošte na adresu:

Javna ustanova «Služba za zapošljavanje BPK Goražde» Goražde, ulica M. Tita 13,

sa napomenom: Program stručnog osposobljavanja 2022. godine

Sve dodatne informacije mogu se dobiti svakim radnim danom od 08,00h do 16,00h putem telefona : **038/243 117.**

Dostaviti:

- OPĆINSKI BIROI RADA - Oglasna ploča (x3)
- Samostalni referent za informacionu tehnologiju i statistiku -Web portal Službe
- Vlada Bosansko podrinjskog kantona Goražde
- a/a

DIREKTOR

Aida Bezdob